

# L'economia forestala dal Grischun è preparada bain er senza la resgia gronda

■ **En la procedura da concurs èn las installaziuns da la resgia a Domat vegnidas vendidas ier glindesdi (27 da zercladur 2011) tras ingiant a la Klausner Holz Thüringen GmbH. Perquai ch'il cumprader prevesa da transportar davent las maschinas vegn la resgia demontada definitivamain.** Entaifer l'economia forestala dal Grischun han las activitads exemplaricas per pussibilitar la continuaziun dal manaschi da la resgia fullà novas vias per collavuraziuns tranter las branschas. A chaschun d'ina conferenza da medias a Cuira han las represchentas ed ils represchentas da las branschas, dal lieu e dal chantun infurmà davart las novaziuns ch'ins ha cuntanschi cun quest sforz singular.

Entaifer bundant 6 emnas han vischnancas, proprietarias e proprietaris da guaud, impressaris forestals e commerziants da laina dal chantun Grischun garanti ad in investider pussaivel passa 150 000 meters cubic laina radunda per 10 onns. Tenor in model da pretsch modern per la bransch a avessan dui vegnir golvadas instabilitads dals pretschs e vegnir garantida la cultivaziun persistenta da laina sco materia prima, e quai en buns sco er en nauschs temps. «Il basegn da las proprietarias e dals proprietaris da guaud da calmar il martgè da laina incalculabel è grond», ha declarà *Andrea Florin*, il president da la federaziun forestala Selva. «Novs mecanissem per furmar ils pretschs tar l'utilisaziun da laina pudessan midar la relaziun da partenadi tranter las proprietarias ed ils proprietaris da guaud e las resgias. Quai avain nus cumprovà en quest project singular per tut l'Europa», uschia Florin. La prontezza da tut las parts participadas da s'adattar e da s'integrar per cuntanscher ina gronda finamira al hajan impressiunà, ha ditg il selvicultur chantunal *Reto Hefti*. Las novaziuns che



**En il focus da las medias: da san. il parsura da la Selva Andrea Florin, la presidenta communal da Domat Beatrice Baselgia, cusseglier guvernativ Mario Cavigelli ed il forester chantunal René Hefti.**

FOTO N. SIMMEN

resultan dal project èn tenor Hefti valurs durablas che vegnan ad esser d'avantag per il svilup futur.

## **Prestaziun da pionier metta novs accents**

Er sche l'elavuraziun da laina n'è betg pli pussaivla en la resgia a Domat ha l'acziun da pliras branschas rendì conscianta ina finamira centrala da la selvicultura. Sco ch'il cusseglier guvernativ *Mario Cavigelli* (departament da construcziun, traffic e selvicultura) ha explitgà, ha la discussiun publica en connex cun ils contracts

da furniziun novs mussà l'impurtanza da la tgira dal guaud ed il problem dals gronds custs da cultivaziun. «La prestaziun da pionier da las proprietarias e dals proprietaris da guaud sco er da las organisaziuns da commercialisaziun ha focussà novas forzas per la cultivaziun dal guaud en il chantun Grischun, las qualas vegnan mantegnidas er senza la resgia. Cun la proxima revisiun totala da la lescha dal guaud mettain nus novs accents er en il sector giuridic per meglierar las structures ch'èn necessarias en la selvicultura», uschia Cavigelli.

## **Las vischnancas ed il chantun examineschan il svilup dal lieu**

*Beatrice Baselgia*, deputada e presidenta communal da Domat, ha declarà il glindesdi saira che la vischnanca da Domat examineschia uss ensemen cun la proprietaria dal terren (la vischnanca burgaisa da Domat) e cun il chantun Grischun utilisaziuns futuras pussaivlas da l'areal.

La fin dal chapitel resgia gronda fetschia libra la via a Domat per in nov svilup empermettent d'in lieu cun in access excellent.